

# **Vischnaunca da Trun Pleiv Sogn Martin Trun (cumin baselgia)**

**Regulativ concernent il  
clutger, il tuchiez e l'ura  
dalla baselgia Sogn Martin**



# CUNTEGN

		pagina
<b>I. Determinaziuns generalas</b>		
Art. 1	Intent	3
Art. 2	Egualitad dallas schlatteinas	3
<b>II. Proprietad e survegionza</b>		
Art. 3	Proprietad e possess	3
Art. 4	Survegionza	3
<b>III. Diever dil tuchiez</b>		
Art. 5	Differents dievers dil tuchiez	4
<b>IV. Midadas dil diever actual dil tuchiez</b>		
Art. 6	Damondas per midadas dil diever actual	4
Art. 7	Midadas dil diever religius	4
Art. 8	Midadas dil diever profan	4
Art. 9	Midadas dil diever per omisduas specias	4
<b>V. Modus d'informaziun e decisiun</b>		
Art. 10	Decisiuns davart midadas dil diever dil tuchiez	5
Art. 11	Lavurs da manteniment, reparaturas ed investiziuns	5
Art. 12	Surdada da talas lavurs	5
<b>VI. Finanziaziun</b>		
Art. 13	Repartiziun dils cuosts	5
Art. 14	Installaziun d'in tuchiez niev	5
<b>VII. Determinaziuns finalas</b>		
Art. 15	Approbaziun e vigur	6

## I. Determinaziuns generalas

### Art. 1

#### **Intent**

Il regulativ concernent il clutger, il tuchiez e l'ura dalla baselgia Sogn Martin fixescha:

- l'istanza da survigilanza dil clutger e da ses indrezs
- ils differents dievers dil tuchiez
- il modus da decider davart midadas dil diever dil tuchiez
- la surdada dallas lavurs da manteniment, reparaturas ni investiziuns vid il clutger e ses indrezs
- la repartiziun dils cuosts da manteniment, reparaturas ed investiziuns.

### Art. 2

#### **Egualitad dallas schlatteinas**

Las indicaziuns davart persunas, funcziuns e professiuns che vegnan applicadas en quest regulativ serefereschon ad omisduas schlatteinas.

## II. Proprietad e survigilanza

### Art. 3

#### **Proprietad**

La vischnaunca politica ei proprietaria dil clutger dalla baselgia Sogn Martin.

#### **Possess**

La fundaziun baselgia Sogn Martin ei possessura dil tuchiez e dall'ura baselgia.

### Art. 4

#### **Survigilanza**

La suprastanza communal surdat la survigilanza dil clutger al genau responsabel pil santeri.

Davart dalla pleiv ei igl ugau dalla baselgia Sogn Martin responsabels per ils indrezs dil clutger.

### III. Diever dil tuchiez

#### Art. 5

#### **Differents dievers dil tuchiez**

Ils differents dievers dil tuchiez ein reglai en l'annexa che fuorma ina part integrala da quest regulativ.

### IV. Midadas dil diever actual dil tuchiez

#### Art. 6

#### **Damondas per midadas dil diever actual**

Il diever actual dil tuchiez ei fixaus en l'annexa 1 da quest regulativ. Damondas per midadas dil diever actual dil tuchiez ston vegnir inoltradas als gremis cumpetents ch'ei fixai en art.12 da quest regulativ. La damonda sto cuntener ina proposta corrispudenta. Quella sto vegnir inoltrada tenor ils artechels 7 ni 8 ni 9 da quest regulativ.

#### Art. 7

#### **Midadas dil diever religios**

Tenor art. 6 dalla constituziun dalla pleiv ha mintga votant il dretg da moziun. El sa far propostas a caschun da radunonzas dalla pleiv era partenent fatschentas e caussas ch'ei buca publicadas sin la gliesta da tractandas. Vegn ina tala proposta acceptada dalla radunonza sco moziun, sto la suprastonza suttametter rapport e proposta alla proxima radunonza.

#### Art. 8

#### **Midadas dil diever profan**

Tenor art. 21 dalla constituziun communal ha mintga votant il dretg da moziun. El sa far sin vischnaunca propostas che pertuccan buca la gliesta da tractandas. Vegn ina tala acceptada, ha la suprastonza da presentar rapport e proposta a caschun dalla proxima radunonza da vischnaunca.

#### Art. 9

#### **Midadas dil diever dad omisduas spezias**

Tenor art.21 dalla constituziun communal ha mintga votant il dretg da moziun. El sa far sin vischnaunca propostas che pertuccan buca la gliesta da tractandas. Vegn ina tala acceptada, ha la suprastonza da presentar rapport e proposta a caschun dalla proxima radunonza da vischnaunca.

## V. Modus d'informaziun e decisiun

### Art. 10

**Manteniment,  
reparaturas,  
investiziuns**

Vegn ei constatau donns, ni eis ei da far lavurs da manteniment ni reparaturas vid il clutger, il tuchiez ni l'ura baselgia, ston la suprastanza communal e la suprastanza dalla pleiv vegnir informadas immediatamein.

### Art. 11

**Surdada dallas  
lavurs**

Las lavurs san vegnir surdadas mo sche las instanzas cumpetentas da vischnaunca e pleiv han approbau il project e concediu il credit necessari.

### Art. 12

**Damondas davart  
midadas da diever  
dil tuchiez**

Damondas che pertuccan il diever dil tuchiez per motivs religius, ein da suttametter alla radunonza dalla pleiv.  
Damondas che pertuccan il diever dil tuchiez per motivs profans, ein da suttametter alla radunonza da vischnaunca.  
Damondas che pertuccan il diever dil tuchiez per occasiuns schibein religiusas sco profanas basegnan il consentiment dil gremi cumpetent d'omisdus partenaris.

## VI. Finanziaziun

### Art. 13

**Repartiziun  
dils cuosts**

Il cuosts per investiziuns, reparaturas e manteniment dil clutger e ses indrezs vegnan fixai sco suonda:  
50% dils cuosts surpren la vischnaunca da Trun.  
50% dils cuosts surpren la pleiv Sogn Martin.

### Art. 14

**Installaziun d'in  
niev tuchiez**

Duess ei vegnir installau in niev tuchiez, vegn concediu in credit net, suenter deducziun da bunamanas e contribuziuns da padrins e madretschas.

## VII. Determinaziuns finalas

### Art. 15

#### **Approbaziun e vigur**

Quest regulativ remplazza la cunvegnientscha denter la vischnaunca politica da Trun e la pleiv Sogn Martin, che reglava la participaziun vid ils cuosts d'investiziun e manteniment dalla tuor baselgia, dil tuchiez e dall'ura baselgia, dils 28 da matg 1993.

Quest regulativ ei vegnius approbaus dalla radunonza da vischnaunca dils 5 da december 2007 e dalla radunonza dalla pleiv Sogn Martin dils 16 da november 2007.

El passa en vigur cun datum dils 1 da schaner 2008.

#### **Per la suprastonza communal Trun**

Il president: .....  
Donat Nay

Igl actuar: .....  
Plazi Decurtins

#### **Per la pleiv Sogn Martin Trun**

Il president: .....  
Serafin Rensch

Igl ugau baselgia: .....  
Rosmarie Sossai

7166 Trun, 6-12-2007